

Ataani taaneqartut angalanermi nammineq nassarnissaat inerteqqutaapput:

Aallaasit, aamma atortut aqerlunik aallartitsissutaasinnaasut allat – atortut aqerlunik aallartitsissutaasinnaasut inunnik annertuumik ajoqusiisinaasut imaluunniit ajoqusiisinaasutut isikkullit, taakkununnga ilaallutik:

- aallaasiit suulluunniit, soorlu illuinnarsuutit, qoorortuut aamma timmiarsiutit
- illuinnarsuutit pinngussat, aallaasit assilillugit sanaat aallaasit ut ilumoortutut isikkullit
- aallaasinut atortut, qinngutitai kisiisa pinnagit
- silaannaap naqitsinera aamma CO2 atorlugu aallaasit, soorlu luft pistolit, qoorortuut aamma aallaasit sisannik aqerlullit
- illuinnarsuutit kalerrisaarutit, aamma illuinnarsuutit aallartitsissutit
- pisissit, pisisseq sanneriaq (armbrøst) aamma qarsut
- aallaasit unaanut qalugiusanullu atorneqartartut
- illusaatit (slynger) aamma illuutit tasisaartullit (slangebøsser)

Elektroniskimik atortut qupinnguallatsitsissutit – atortut eqqorneqartup ilisimajunnaarsinnissaa, imaluunniit susinnaajunnaarsinnissaa siunertaralugu immikkut suliat, taakkununnga ilaallutik:

- elektroniskimik atortut qupinnguallatsitsissutit, soorlu illuinnarsuutit qupinnguallatsitsissutit (tasere), aamma anaatat qupinnguallatsitsissutit
- uumasunik ilisimajunnaartitsinermut toqoraanermullu atortut
- akoorutissat, gassit aamma serpalittaatit susinnaajunnaartitsisin naallutillu ilisimajunnaartitsisinnaasut, soorlu mace, pebersprayi, capsicumsprayi, gassi qulliliornartoq, serpalittaat syrimik akulik, aamma uumasunut qunusaarutit serpalittaatit

Sakkut nuugissut aamma ipittut – sakkut nuugissut ipittullu inunnik annertuumik ajoqusiisinaasut, taakkununnga ilaallutik:

- atortut ulimaatit suliat, soorlu ulimaatit angisuut mikisullu, aamma neqinut agguutit
- sermimut ulimaatit, aamma sermimut ikuttaatit
- unngiaatit savissai
- saviit sanalunnermut atortut (hobbyknive)

- saviit 6 cm-irinit takinerusunik savissartallit
- qiuutit, kaajallallugu uuttorlugu, 6 cm-init takinerusunik savissartallit
- akiuulluni timersuutinut atortut nuugissut, imaluunniit ipittunik sinaallit
- pannat

Sakkut – sakkut inunnik annertuumik ajoqusiisinnaasut, imaluunniit timmisartuussinermi isumannaallisaanermut ajoqutaasinnaasut, taakkununnga ilaallutik:

- kuupeeq (koben)
- qillerut aamma qilleruserfiit, taakkununnga ilaallutik qillerutit batteriitortut
- sakkut 6 cm-init takinerusunik savissartaqarlutilluunniit tigum-mivittallit sakkulersornermut atorneqarsinnaasut, soorlu qinneriaatit aamma qussaattat (mejsler)
- pilattuutit, takkununnga ilaallutik pilattuutit batteriitortut
- supoortumik ikumasartut
- boltinut kikissanullu ikkussuissutit

Qisuminermi sakkut – atortut inunnut unataatitut atorneqarnermikkut annertuumik ajoqusiisinnaasut, takkununnga ilaallutik:

- baseball'eryluni aamma softball'eryluni anaalerutit
- anaatat, soorlu totenschlægere-t (anaatat aalatillugit peqittartut), anaatat aamma politiit anaataat
- akiuulluni timersuutinut atortut

Atortut qaartuujasut ikuallajasullu – atortut qaartuujasut ikuallajasullu inunnik annertuumik ajoqusiisinnaasutut isikkullit, imaluunniit annertuumik ajoqusiisinnaasut, imaluunniit timmisartuussinermi isumannaallisaanermut ajoqutaasinnaasut, taakkununnga ilaallutik:

- imassat
- seqqortaatit
- qaartitsissutit aamma kukuttaatit/qaartitsinermi ikitsissutit/ikumatitsissutit
- qaartitsissutit assilillugit sanaat
- qaartartut, granatit aamma sakkutuut qaartitsinermut sakkui allat
- qummooroortaatit, aamma ikuallajasunit sanaat allat
- qaartartut pujuliortitsissutit, patronit pujuliortitsissutit
- qaartiterutit, imassat aamma plastikkimik qaartartuliat

Air Greenlandip timmisartuussinerini tamani pujortarneq aamma e-cigarettinik atuineq inerteqqutaavoq

E-cigarettit imassai nikotinit, qanorluunniit annikitsigisut, ulorianartutut nalunaaqutserneqarsimasut nammineq nassatatut nassarnissaat inerteqqutaapput. Ilaasoq e-cigarettit imassaannik nikotinik nassataqarniaruni imassat puiaasaniittut nassiussatut ulorianartutut nassiutissavai.

Imerpalasut

Imerpalasut, imaluunniit akuutissat imerpalasut nammineq nassatatut nassarneqarsinnaasut tassatuaapput annertunerpaamik 100 ml-iterimik imaqarsinnaasut. Poortat arlallit nammineq nassarneqarsinnaapput, taamaattorli puussiap akimut ersittup matoqqinneqarsinnaasup liiterimik ataatsimik imaqarsinnaasup imarisinnaasai sinnernagit.

Meeraaqqat nerisassa

Meeraaqqat nerisassaannik, taakkunungalu atasumik imermik nammineq nassataqarsinnaavutit, taakkulu 100 ml-iterinit annertunerusinnaapput. Taamaattorli timmisartornermi pisariaqartinneqartut sinnerneqassanngillat.

Meeraaqqat nerisassaat isumannaallisaalluni misissuivimmi bakkimut immikkut poorlugit takutinneqassapput.

Mittarfiit ilaanni meeraaqqat nerisassaat misissoqqissaagassanngorlugit ("skind- og smagstest") immikkoortinneqartut misigisinnaavat. Tamatuma kingunerisinnaavaa assersuutigalugu meeraaqqat nerisassaat illit nassatatit nammineq misilissagitit.

Nakorsaatit imerpalasut

Nakorsaatit imerpalasut nammineq nassarsinnaavutit, taakkulu 100 ml-iterinit annertunerusinnaapput. Taamaattorli timmisartornermi pisariaqartinneqartut sinnerneqassanngillat. Angalanerpi sinnerani uninngavissanni pisariaqartitatit nassatannut tunniussannut ilanngullugit puussavatit.

Eqqumaffigiuk nakorsaativit ilumuussusaat, aammalu nassatarinissaanut pisariaqartinneqartut uppersarsinnaasariaqarakku. Taamaaliorsinnaavutit assersuutigalugu nakorsarisannit allagartamik, imaluunniit nakorsaatarniamit uppersarsaammik nassataqarnikkut, isumannaallisaalluni nakkuttillivimmi takutissinnaasannik.

Nakorsaatit isumannaallisaalluni misissuivimmi bakkimut immikkut poorlugit takutinneqassapput.